

62
roll. Theol. in predicamento Ubi q. 2. neque enim creatum quid
est, cum tale saltem intra mundi sphaeram detur, neque in-
creatum, etenim solus DEUS est increatum aliquid reale &
positivum, sed est tale, quod mens nostra, cum aliter DEI
immensitatem concipere nequeat, sibi imaginatur. Un-
de & Henrico Nicolai l. c. describitur *cogitatum aliquod in-
tervallum extra mundum & mundana corpora aut in vacuo
creati alicujus experte conceptum*. Unde sensus Phraseos est
iste: nullum omnino spatium concipi animo potest, in quo
DEUS in se & sua immensitate non existat. Non male hanc
in rem Arriaga inquit: *Quando DEUM in his spatiis con-
stituo, solum dico, illum ex essentia sua habere talem immensi-
tatem, ratione cuius ita existit, ut nequeat produci aut conci-
pi producta aliqua res, cui DEUS eo ipso non sit intime praesens,
sine ulla prorsus in ipso mutatione, etiamsi neque DEUS eam crea-
turam produceret.*

§. 3. Sed Affirmativa negativae praeferenda esse vide-
tur: Cum enim DEI magnitudinis non sit finis, facile pat-
et, quod terminis hujus Universi includi nequeat, unde I.
Reg. 8. dicitur: *Coeli caelorum te non capiunt*. Et Joh. II.
dicitur: *Excelsior est caelo & profundior inferno*. Idem
quoque ex lumine naturae ostenditur: Quia si ubiquitas DEI
constringeretur caeli & terrae spatiis, non esset absolute in-
finita & immensa, quod consequens est absurdum. E. & an-
tecedens. Deinceps DEUS est is, quo magis nihil cogitari
potest. Sed si non esset extra caelum, majus quid DEO co-
gitari posset.

§. 4. Huic tamen sententiae obstare videntur (1.) quod
res spirituales in spatiis sint per operationem, DEUS autem
extra caelum nihil operatur. E. ibi non est praesens. Resp.
negatur, quod res spirituales in spatiis sint per operatio-

C 2

nem;